



O‘ZBEKISTON RESPUBLIKASI SUV XO‘JALIGI VAZIRLIGI
HAY’AT QARORI

2023-yil 3 -noyabr

Toshkent sh.

№ 8 / 2

Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини таъминлаш, вазирлик марказий аппаратида ҳамда вазирлик тасарруфидаги республика ва тизим ташкилотларида жорий йилнинг III чораги давомида ижро интизомига риоя этилишини таъминлаш ҳамда жисмоний ва юридик шахсларнинг мурожаатлари билан ишлаш борасида олиб борилган ишлар ва навбатдаги вазифалар ҳақида

Вазирлик ҳайъати таъкидлайдики, жорий йилнинг III чораги давомида Ўзбекистон Республикаси Президентининг 2021 йил 31 майдаги “*Ijro.gov.uz*” ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги ПҚ-5132-сонли қарори асосида ижро интизомига риоя этилишини таъминлаш, ижро интизоми мониторингини ва ҳисоботларини юритиш, ҳамда жисмоний ва юридик шахсларнинг мурожаатлари билан ишлаш борасида муайян ишлар амалга оширилган. Ҳисобот даврида:

вазирликка келиб тушган 2691 та ҳужжат тўлиқ назоратга олинган бўлиб, шундан 2600 таси (96,7%) ўз муддатида назоратдан чиқарилиб, 19 та (1,4%) ҳужжат вазирликда қабул қилинган йўриқнома ва ички тартиб-қоидаларда белгиланган муддатлардан кечиктириб бажарилган;

“Edo.ijro.uz” ижро интизоми идоралараро ягона электрон тизимидаги назоратда бўлган 192 та ҳужжат тўлиқ назоратга олинган бўлиб, шундан ҳисобот даврида 191 таси, яъни 99,5% ҳужжатлар ўз муддатида назоратдан чиқарилган;

жами 20 нафар раҳбар-ходимларга шу жумладан, 3 нафар вазирлик марказий аппарати раҳбар-ходимларига ва 9 нафар тизим ташкилотлари раҳбарларига нисбатан Ўзбекистон Республикаси Меҳнат кодексининг 181 ва 312-моддаларига мувофиқ ҳайфсан эълон қилинган, 3 нафар ходимга (2 нафар тизим ташкилотлари раҳбарига) нисбатан ўртача ойлик иш ҳақининг ўттиз (30,0) фоизи миқдорида жарима қўлланилган бўлиб, 5 нафар ходим эгаллаб турган лавозимидан озод қилинган;

жисмоний ва юридик шахслардан 863 та (ўтган чоракка нисбатан 304 та кам) ариза ва мурожаатлар келиб тушган ва белгиланган тартибда назоратга олинган бўлиб, шундан 816 таси, яъни 94,5 фоизи (ўтган чоракда 89,8%) қонунда белгиланган муддатларда кўриб чиқилган ва натижаси бўйича мурожаат муаллифларига маълум қилинган ва 47 та, яъни 5,5% ариза ва мурожаатларнинг ижро муддати борлиги сабабли ҳозирги кунда ижросини белгиланган муддатларда таъминлаш чоралари кўрилмоқда;

Ўзбекистон Республикаси Адлия вазирлиги билан ҳамкорликда ижро интизомини янада самарали ташкил этиш, ходимларнинг ижро йўналишидаги билим ва кўникмаларини ошириш мақсадида Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини сўзсиз таъминлаш ҳамда

Ўзбекистон Республикаси Президенти ҳужжатлари ва топшириқлари бажарилишининг назоратини амалга оширувчи “Ijro.gov.uz” ижро интизоми идоралараро ягона электрон тизимининг янги талқиндаги “edo.ijro.uz” ижро интизоми идоралараро ягона электрон тизимини жорий қилиш масалалари бўйича ўқув-амалий семинар ўтказилган.

Лекин, эришилган натижалар билан бирга бир қатор хато ва камчиликларга, ҳамда қолоқликларга йўл қўйилган. Жумладан;

Ирригация тизимларидан ва йирик гидротехник иншоотлардан фойдаланиш бошқармаси бўлим бошлиғи Х.Кобилов томонидан “Edo.ijro.uz” тизимида назоратда бўлган Ўзбекистон Республикаси Президентининг 2023 йил 16 майдаги “*Ўзбекистон Республикаси аҳолиси ва ҳудудининг сейсмик хавфсизлигини таъминлаш тизимини янада такомиллаштиришга оид қўшимча чора-тадбирлар тўғрисида*”ги ПҚ-158-сонли қарорининг 1-илова 9.3-банди топшириғи ижроси шу кунгача таъминланмаган.

Вазирликка келиб тушган 2691 та ҳужжатдан 39 таси, яъни 1,4 фоизи вазирликда қабул қилинган йўриқнома ва ички тартиб-қоидаларда белгиланган муддатлардан кечиктириб бажарилган. Сув хўжалигида капитал курилиш лойиҳаларини шакллантириш ва амалга ошириш бошқармаси бошлиғи М.Қурбонов (6 та), Сув ресурслари ва сувдан фойдаланиш бўлими бошлиғи Р.Камилов (6 та), Давлат-хусусий шериклик ва аутсорсинг хизматини ривожлантириш бўлими бошлиғи А.Дувлонов (5 та) ҳамда Ички аудит, комплаенс назорат ва коррупцияга қарши курашиш бошқармаси бошлиғи А.Баходиров (4 та) ҳамда Ирригация тизимларидан ва йирик гидротехник иншоотларидан фойдаланиш бошқармаси бўлим бошлиғи Х.Кобилов (3 та) томонидан ҳужжатларнинг ижроси кечиктириб бажарилган.

Юқоридагилардан келиб чиқиб, Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини сўзсиз таъминлаш, ижро интизомини янада мустаҳкамлаш борасида 2023 йилнинг III чораги давомида йўл қўйилган хато ва камчиликлар ва қолоқликларни бартараф этиш ва келгусида бундай ҳолатларга йўл қўймаслик бўйича бошқарувнинг барча даражадаги раҳбар ва мутахассисларнинг ижро интизомига қатъий ва сўзсиз риоя этилиши юзасидан шахсий масъулияти ва жавобгарлигини кучайтириш мақсадида, ҳайъат йиғилиши

Қарор қилади:

1. Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини таъминлаш, вазирлик марказий аппаратида ҳамда вазирлик тасарруфидаги республика ва тизим ташкилотларида жорий йилнинг III чораги давомида ижро интизомига риоя этилишини таъминлаш ҳамда жисмоний ва юридик шахсларнинг мурожаатлари билан ишлаш борасида олиб борилган ишлар ва навбатдаги вазифалар ҳақидаги ахборот **маълумот ва ижро учун қабул қилинсин.**

2. Ўзбекистон Республикаси Бош вазири котибияти раҳбарининг 2023 йил 18 октябрдаги 18-03-3-сонли топшириғи **раҳбарлик ва маълумот учун қабул қилинсин.**

3. Вазир ўринбосарлари, вазирлик марказий аппаратининг бошқарма ва мустақил бўлим бошлиқлари ҳамда вазирлик тасарруфидаги республика ва тизим ташкилотлари раҳбарлари томонидан Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини таъминлаш, жорий йилнинг III чораги давомида ижро интизомига риоя қилиш ҳамда жисмоний ва юридик шахсларнинг мурожаатлари билан ишлаш борасида олиб борилган ишлар **талаб даражасида эмас деб топилсин.**

Ўзбекистон Республикаси Президенти ва Ҳукуматининг ҳужжатларда баён этилган кўрсатма ва топшириқларнинг ижросини кечиктириб бажариш, шунингдек, белгиланган муддатларда, тўлақонли ва сифатли таъминланмаслик ҳолатларидан

тегишли хулоса чиқариши, шахсий масъулият ва жавобгарликни, ҳар бир ижро интизомига қатъий ва сўзсиз риоя этмаслик ҳолатлари учун **интизомий жазо муқаррарлигини ҳис этган ҳолда фаолиятини ташкил этиши уқтириб ўтилсин.**

4. Вазир ўринбосарлари Р.Қаршиев ва Д.Ходжахмедов, вазир ёрдамчиси А.Манглиев ҳамда Ташкилий назорат ва таҳлил бошқармаси бошлиғи М.Ибрагимовларга ҳисобот даврида вазирлик марказий аппаратида, Қорақалпоғистон Республикаси Сув хўжалиги вазирлиги, вилоятлар ирригация тизимлари хавза бошқармалари, вазирлик тасарруфидаги Республика ва тизим ташкилотларида Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини тизимли равишда ташкил этиш, ижро интизомига риоя этилишини таъминлаш ҳамда ҳужжатлар ва мурожаатлар билан ишлаш борасида талабчанликни сусайтириб юборганлиги **кўрсатиб ўтилсин.**

5. Ўзбекистон Республикаси Президентининг 2023 йил 16 майдаги “*Ўзбекистон Республикаси аҳолиси ва ҳудудининг сейсмик хавфсизлигини таъминлаш тизимини янада такомиллаштиришга оид қўшимча чора-тадбирлар тўғрисида*”ги ПҚ-158-сонли қарорининг 1-илова 9.3-банди топшириғи ижросини таъминлашга масъулиятсизлик билан ёндашганлиги, топширикни белгиланган муддатларда ва тўлиқ таъминламаганлиги учун Ирригация тизимларидан ва йирик гидротехник иншоотлардан фойдаланиш бошқармаси бўлим бошлиғи Х.Кобиловга **огоҳлантириш эълон қилинсин.**

Белгилансинки, Ўзбекистон Республикаси Президентининг ва ҳукуматининг ҳужжатлари билан вазирликка берилган топшириқларнинг ижроси ўз вақтида ва сифатли таъминланмаган ёки юқоридаги ушбу ҳолат такрорланган тақдирда интизомий жазо чоралари қўлланилади.

6. 2023 йилнинг III чораги давомида ижро интизомига қатъий риоя этмаганлиги ҳамда вазирликка келиб тушган ҳужжатлар ижросини кечиктириб бажарганлиги учун Сув хўжалигида капитал қурилиш лойиҳаларини шакллантириш ва амалга ошириш бошқармаси бошлиғи М.Қурбонов, Сув ресурслари ва сувдан фойдаланиш бўлими бошлиғи Р.Комилов, Давлат-хусусий шериклик ва аутсорсинг хизматини ривожлантириш бўлими бошлиғи А.Дувлонов, Ички аудит, комплаенс назорат ва коррупцияга қарши курашиш бошқармаси бошлиғи А.Баходировларга **огоҳлантириш эълон қилинсин.**

7. Вазир ўринбосарлари Р.Қаршиев ва Д.Ходжахмедов ҳамда вазирлик марказий аппаратининг бошқарма ва мустақил бўлим бошлиқларига:

Ўзбекистон Республикаси Президентининг 2021 йил 10 февралдаги “*Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида*”ги ПФ-6166-сонли Фармони ҳамда 2021 йил 31 майдаги “*Ijro.gov.uz*” ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги ПҚ-5132-сонли қарорининг ижросини тизимли равишда ташкил этиш;

Ўзбекистон Республикаси Президенти ҳужжатлари ва топшириқлари бажарилишининг назоратини юритувчи “*Edo.ijro.uz*” ижро интизоми идоралараро ягона электрон тизимидаги назоратда бўлган, шу жумладан, **ноябрь ойида 43 та ва декабрь ойида 515 та** ҳужжатда белгиланган топшириқлар ижроси юзасидан кунлик мониторинг ўрнатиш ҳамда топшириқларни белгиланган муддатда, тўлақонли ва сифатли қилиб бажарилишини таъминлаш;

масъул ижрочилар томонидан назорат ҳужжатлари ва топшириқлар бажарилиши бўйича “*edo.ijro.uz*” электрон ҳужжат айланиш тизимида маълумотлар

ва тасдиқловчи ҳужжатларнинг ўз вақтида киритилишини **мунтазам назорат ва таҳлил қилиб бориш**;

Ўзбекистон Республикаси Президентининг Фармон, қарор, фармойиш ва топшириқлари, Вазирлар Маҳкамасининг қарорлари, фармойишлари ва (йиғилиш баёнлари) топшириқлари ижросини таъминлаш бўйича олиб борилаётган ишларни **вазирнинг биринчи ўринбосари ҳузурида ҳар ҳафта жума кuni ва вазир ҳузурида ҳар ҳафтанинг душанба кунлари** муҳокама қилиб, баён билан расмийлаштириб борилишини ташкил этиш;

қонунчилик ҳужжатлари ва топшириқлар бўйича амалга ошириш графикларининг (**назорат режалари**) тайёрланиши, тасдиқланиши ва ижрога қаратилишини ташкил ва таъмин этиш;

вазирликнинг 2022 йил 11 январдаги “Вазирлик марказий аппаратида ижро интизомини янада мустаҳкамлаш тўғрисида”ги 6-сонли буйруғининг ижросини сўзсиз таъминлаш, вазирликка келиб тушаётган барча ҳужжатлар, шу жумладан, Ўзбекистон Республикаси Президенти ва Ҳукуматининг ҳужжатлари, шунингдек, бошқа вазирлик ва идоралардан ҳамда жисмоний ва юридик шахслардан келиб тушаётган барча ҳужжатларнинг ижросини **5 кунлик муддатда** таъминлаш, агар ушбу муддатда бажариш имкони бўлмаган тақдирда ҳужжат ижрога қаратилган куннинг ўзидаёқ ижро муддатини узайтириш юзасидан вазирга таклиф киритиш бўйича белгиланган ички тартиб-қоидага қатъий риоя этиш;

Ўзбекистон Республикаси Сув хўжалиги вазирлиги ва унинг тасарруфидаги республика ва тизим ташкилотларида жисмоний ва юридик шахсларнинг мурожаатлари билан ишлаш тизимини такомиллаштириш бўйича чора-тадбирлар режаси ижросини тизимли равишда ташкил этиш;

2023 йил IV чорагида жойларда аҳоли мурожаатлари бўйича сайёр қабулларни ўтказиш бўйича тасдиқланган графиклар асосида сайёр қабулларни тизимли равишда самарали ташкил этиш;

Ўзбекистон Республикаси Президенти ва Ҳукуматининг топшириқлари ижросини таъминлаш бўйича олиб борилаётган ишларни мунтазам равишда (**ҳар ой якуни билан**) таҳлил қилиб бориш, ушбу ҳужжатларнинг ижросини таъминлашга эътиборсизлик ва масъулиятсизлик билан ёндашаётган раҳбар-ҳодимларга нисбатан тегишли интизомий жазо чоралари қўллаш юзасидан асосланган хулоса ва таклифлар (**интизомий жазо чораси қўллаш юзасидан буйруқ лойиҳаси тайёрлаш**) тақдим этиш вазифалари юклатилсин.

8. Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, вазирлик тасарруфидаги республика ва тизим ташкилотлари раҳбарларига:

жорий йил 1 декабрга қадар “UNICON.UZ” ДУК фан-техника ва маркетинг тадқиқотлари маркази таркибидаги “UNICON SOFT” МЧЖ ўртасида “**edo.ijro.uz**” электрон ҳужжат айланиш тизими бўйича 2024 йил учун шартномалар тузилишини, маблағлар ўтказилишини ҳамда тўлиқ ва тизимли равишда ишлашини таъминлаш;

Ўзбекистон Республикаси Президентининг Фармон, қарор, фармойиш ва топшириқлари, Вазирлар Маҳкамасининг қарорлари, фармойишлари ва (йиғилиш баёнлари) топшириқлари ижросини таъминлаш бўйича олиб борилаётган ишларни **раҳбарнинг биринчи ўринбосари ҳузурида ҳар ҳафта жума кuni ва раҳбар ҳузурида ҳар ҳафтанинг душанба кунлари** муҳокама қилиб, баён билан расмийлаштириб борилишини ташкил этиш;

ижро интизомини мустаҳкамлаш, ҳужжатлар, шу жумладан, жисмоний ва юридик шахсларнинг мурожаатлари билан ишлаш, ижро мониторингини юритиш ва ижро интизомига қатъий риоя этилишини таъминлаш борасида олиб борилаётган

ишларни **ҳар ҳафта якуни билан** аппарат йиғилишларида ва **ҳар чорак якуни билан** умумий йиғилишларда танқидий-таҳлилий руҳда муҳокама қилиш орқали Ўзбекистон Республикаси Президенти ҳужжатлари ва топшириқлари ижросини белгиланган муддатларда, тўлақонли ва сифатли таъминлаш бўйича барча даражадаги раҳбар-ходимларнинг шахсий масъулияти ва жавобгарлигини кучайтириш;

қонунчилик ҳужжатлари ва топшириқларни ҳисобга олиш ва уларнинг рўйхатини шакллантириш, улар бўйича аниқ ижрочилар, муддатлар ва бажариш механизмлари кўрсатилган топшириқлар тайёрланишини ҳамда уларнинг **ижрочиларга етказилишини назоратга олиш**;

қонунчилик ҳужжатлари ва топшириқлар бўйича амалга ошириш графикларининг (**назорат режалари**) тайёрланиши, тасдиқланиши ва ижрога қаратилишини тўлиқ назорат қилиш;

масъул ижрочилар томонидан назорат ҳужжатлари ва топшириқлар бажарилиши бўйича **“edo.ijro.uz”** электрон ҳужжат айланиш тизимига маълумотлар ва тасдиқловчи ҳужжатларнинг ўз вақтида киритилишини **мунтазам назорат ва таҳлил қилиб бориш**;

ҳар чорак якуни бўйича аҳоли муурожаатлари билан ишлаш аҳолини танқидий муҳокама қилиш, мавжуд хато ва камчиликларнинг сабабларини аниқлаб, уларни зудлик билан ҳал этиш ва муурожаатларни кўриб чиқишда қонунбузилиш ҳолатларига йўл қўйган масъул раҳбар-ходимларга нисбатан жиддий таъсирчан чоралар кўриш;

аҳолидан келиб тушган муурожаатларни масъулият билан ёндашган ҳолда тезкорлик билан кўриб чиқиш, уларда қайд этилган муаммоларни ҳал этиш, такрорий муурожаатлар кўпайишининг сабабларини муҳокама этиб, такрорий муурожаатлар кўпайишининг олдини олиш бўйича аниқ чора-тадбирлар ишлаб чиқиш ва унинг ижросини тизимли равишда ташкил этиш;

ижтимоий тармоқларда кўтарилаётган муаммоли масалалар бўйича аҳоли муурожаатларини чуқур таҳлил қилган ҳолда, уларни тезкорлик билан ҳал этиш ҳамда оммавий ахборот воситалари орқали тезкор муносабат билдириш вазифалари топширилсин.

9. Мазкур ҳайъат йиғилиши қарорининг ижросини ташкил қилишни вазирнинг тегишли ўринбосарларига юклаб, уни назорат қилишни ўз зиммамда қолдираман.

Ҳайъат раиси



Ш. Ҳамраев